

اتوار 11 فروری، 2024

مضمون۔ روح

سنہری متن: اعمال 27 باب 23 آیت

”کیوں جے رب جیدا میں آں تے جیدی عبادت وی کردا آں اوہد فرشتہ ایسے رات میرے کول آیا۔“

جوابی پڑھائی: زبور 91: 1، 2، 9 توں 11 آیتاں

یسعیاہ 63 باب 7 توں 9 آیتاں

- 1۔ جیہڑا حق تعالیٰ دے پردے وچ رہندا اے، اوہ قادر مطلق دے پرچھانویں وچ سکونت کرے گا۔
- 2۔ میں خداوند دے بارے آکھاں گا اوہ ای میری پناہ تے میرا گڑھ اے۔ اوہ میرا رب اے جیدے اُتے میرا توکل اے۔
- 9۔ پر تُو اے خداوند! میری پناہ ایس! تُو حق تعالیٰ نوں اپنا مسکن بنا لیا اے۔
- 10۔ تیرے اُتے کوئی آفت نہ آوے گی۔ تے کوئی و باتیرے خیمے دے کول نہ اپڑے گی۔
- 11۔ کیوں جے اوہ تیرے بارے اپنے فرشتیاں نوں حکم دیوے گا پئی تیریاں ساریاں راہواں وچ تیری راکھی کرن۔
- 7۔ میں رب دی شفقت دا ذکر کراں گا۔ خداوند دی ہی ستائش دا اوس سب لئی جو خداوند نے ساہنوں دتا اے تے اوہ دی وڈھی مہربانی دا جیہڑی اوہنے اسرائیل دے خانوادے اُتے اپنی خاص رحمت تے بوہتی شفقت دے مطابق ظاہر کیتی۔

8۔ کیوں جے اوہنے آکھیا پئی یقیناً اوہ میرے ای لوکی نیں اجیہی اولاد جیہڑی بے وفائی نہیں کرے گی۔ ایس لئی اوہ اوہناں دا بچان والا ہو گیا۔

9۔ اوہناں دیاں ساریاں مصیبتاں وچ مصیبت داماں یا بنیا تے اوہدے حضور کھلون والے فرشتے نے اوہناں نوں بچایا۔ اوہنے اپنی الفت تے رحمت دے پاروں اوہناں دا فدیہ دتا۔

درسی وعظ

بائبل وچوں

1۔ زبور 17:68 (توں:) آیت

17۔ رب دے رتھ وی ہزار بلکہ ہزاراں نیں۔

2۔ زبور 1:34، 4، 7 آیتاں

1۔ میں ہر ویلے خداوند نوں دھن آکھاں گا۔ اوہدی ستائش ہمیشہ تیکر میری زبان اُتے رہوے گی۔

2۔ میری روح خداوند اُتے فخر کرے گی۔ حلیم ایہہ سن کے خوش ہو وں گے۔

7۔ خداوند توں ڈرن والیاں دے چاراں پاسے اوہد افرشتہ خیمہ لاکے بیٹھا ہندا اے۔ تے اوہناں نوں بچاؤندا اے۔

3۔ اعمال 5 باب 12، 14 توں 23، 25 توں 33، 35 (توں پہلی)، 38 (کنارہ کرو)، 39، 42 آیتاں

12۔ تے رسولان دے ہتھیاں وچوں بوہت سارے نشان تے عجیب کم لوکاں وچ ظاہر ہندے سی۔ تے اوہ سارے اک دل ہو کے سلیمان دے برانڈے وچ اکٹھے ہندے سی۔

14۔ تے ایمان لیان والے مرد تے عورتاں خداوند دی کلیسیا وچ ہو روی کثرت نال آلے۔

15۔ ایہتھے تیکر پئی لوک بیماراں نوں سڑکاں تے لیا لیا کے تے کھٹولیاں اُتے لمے پادیندے سی تاں جو جودوں پطرس آئے تے اوہد پر چھانواں ای اوہناں وچوں کسے اک اُتے پے جاوے۔

16۔ تے یروشلیم دے چاروں پاسے دے شہراں توں وی لوک بیماراں تے ناپاک روجواں دے ستائے ہوئیاں نوں لیا کے جیہڑے کثرت نال اکٹھے ہندے سی تے اوہ سارے چنگے کیتے جانڈے۔

17۔ فیر سردار کاہن تے اوہدے سارے ساتھی جیہڑے صدوقیاں دے فرقے دے سی سڑن دے پاروں اُٹھے۔

18۔ تے رسولان نوں پھڑکے عام حوالاں وچ رکھ دتا۔

19۔ پر خداوند دے فرشتے نے رات نوں قید خانے دے بوہے کھول دتے تے اوہناں نوں باہر کڈھ کے آکھیا پئی۔

20۔ جاؤ ہیگل وچ کھلو کے ایس حیاتی دیاں ساریاں گلاں لوکاں نوں سناؤ۔

21۔ اوہ ایہہ سن کے سویر ہندیاں ای ہیگل وچ گئے تے تعلیم دین لگے پر سردار کاہن تے اوہدے ساتھیاں نے آکے صدر عدالت دے لوکاں نوں تے اسرائیل دے سارے بزرگاں نوں اکٹھا کیتا تے قید خانے وچ سُنہیاں گھلیا پئی اوہناں نوں لیاؤ۔

22۔ پر پیادیاں نے اپڑ کے اوہناں نوں قید خانے وچ نہ ویکھیا تے پرت کے ایہہ خبر دتی۔

- 23۔ پئی اسی تے قید خانے نوں بوہت حفاظت دے نال بند کیتا ہو یا سی تے پہرے والیاں نوں بوہے اُتے کھڑے ویکھیا پر جد کھولیا تے اندروں کوئی نہ ملیا۔
- 25۔ ایہنے وچ کسے نے آکے اوہناں نوں سنیہاں دتا پئی ویکھو۔ اوہ بندے جنہاں نوں تسی قید کیتا سی ہیکل وچ کھلوتے لوکاں نوں تعلیم دے رہے نیں۔
- 26۔ تد سردار پیادیاں نوں نال لے جا کے اوہناں نوں لے آیا پر زبردستی نیں کیوں جے اوہ لوکاں توں ڈر دے سی پئی ساہنوں سنگسار نہ کرن۔
- 27۔ فیر اوہناں نوں لیا کے عدالت وچ کھڑا کیتا تے سردار کاہن نے اوہناں نوں ایہہ آکھیا۔
- 28۔ پئی اسی تہانوں سختی نال آکھیا سی پئی ایہہ ناں لے کے تعلیم نہ دیو پر ویکھو تسی سارے یرو شلیم وچ ایہہ تعلیم پھلا جھڈی اے تے اوس بندے دا خون ساڈے سر پانا چاہندے او۔
- 29۔ پطرس تے رسولاں نے جواب وچ آکھیا پئی ساڈے اُتے بندیاں دے حکم نالوں رب دا حکم مننا بوہتا فرض اے۔
- 33۔ اوہ ایہہ سن کے سڑ گئے تے اوہناں نوں قتل کرنا چاہیا۔
- 34۔ پر گملی ایل ناں دے اک فریسی نے جیہڑا شرع دا عالم تے سارے لوکاں وچ عزت دار بندہ سی عدالت وچ کھلو کے آکھیا پئی ایہناں بندیاں نوں تھوڑے چر لئی باہر کڈھ دیو۔
- 35۔ فیر اوہناں نوں آکھیا۔
- 38۔ ایہناں بندیاں توں کنارہ کرو تے ایہناں نال کوئی کم نہ رکھو۔ کیوں جے ایہہ تد بیریا کم جے بندیاں ولوں اے تے آپ ای مک جاوے گی۔
- 39۔ پر جے ایہہ رب ولوں اے تے تسی ایہناں بندیاں توں جت نہ سکو گے۔
- 42۔ تے اوہ ہیکل وچ تے گھراں وچ روز تعلیم دین تے ایس گل دی خوشخبری سنان توں پئی یسوع ای مسیح اے باز نہ آئے۔

4۔ اعمال 12 باب 1 توں 3 (توں پہلی)، 4، 5، 7 توں 11 آیتاں

- 1۔ قریباً اوسے ویلے ہیرودیس بادشاہ نے ستاون لئی کلیسیا وچ کجھ بندیاں اُتے ہتھ پایا۔
- 2۔ تے یوحنا دے بھرایعقوب نوں تلوار دے نال قتل کردتا۔
- 3۔ جدو بیکھیا پئی ایہہ گل یہودیوں نوں پسند آئی تے اوہنے پطرس نوں وی گرفتار کر لیا۔
- 4۔ تے اوہنوں پھڑکے گرفتار کیتا تے نگہبانی لئی چار چار سپاہیاں دے چار پہریاں وچ رکھیا ایس ارادے نال پئی فسخ توں بعد اوہنوں لوکاں دے سامنے پیش کرے۔
- 5۔ ایس لئی قید خانے وچ تے پطرس دی نگہبانی ہو رہی سی پر کلیسیا اوہدے لئی بدن تے جان نال دعا کر رہی سی۔
- 6۔ تے جدوں ہیرودیس اوہنوں پیش کرن نوں سی تے اوسے رات پطرس دوزنجیراں نال بندھیا ہو گیا دوسپاہیاں دے وچکار سو رہیا سی تے پہرے والے دروازے اُتے قید خانے دی نگہبانی کر رہے سی۔
- 7۔ پئی ویکھو خداوند اک فرشتہ آن کھلوتا تے اوس کوٹھڑی وچ نورچک گیا تے اوہنے پطرس دی پسلی اُتے ہتھ مار کے جگایا تے آکھیا پئی جلدی اٹھ! تے زنجیراں اوہدے ہتھاں وچوں کھل گئیاں۔
- 8۔ فیر فرشتے نے اوہنوں آکھیا پئی کمر بندھ تے اپنی جوتی پالے۔ اوہنے آکھیا اپنا چونغا پا کے میرے مگر آجا۔
- 9۔ اوہ نکل کے اوہدے مگر ٹر پیا تے ایہہ نہ جانیا پئی جو کجھ فرشتے ولوں ہو رہیا اے اوہ واقعی ای اے۔ بلکہ ایہہ سمجھیا پئی رویا دیکھ رہیا واں۔
- 10۔ ایس لئی اوہ پہلے تے دو جے حلقے وچوں نکل کے اوس لوہے دے پھانک اُتے اپڑے جیہڑا شہر ول اے۔ اوہ آپ ای اوہناں لئی کھل گیا۔ ایس لئی اوہ نکل کے کوچے دے اوس سرے تیکر نکل گئے تے اوسے ویلے فرشتہ اوہدے کولوں ٹر گیا۔

11- تے پطرس نے ہوش وچ آکے آکھیا پئی ہن میں سچ جان لیا پئی خداوند نے اپنا فرشتہ گھل کے مینوں ہیرودیس دے ہتھوں چھڑا لیا تے یہودی قوم دی ساری آس توڑ دتی۔

5- 2 کرنتھیوں 3 باب 4 توں 6، 17 آیتاں

4- اسی مسیح دے راہیں رب اُتے ایجنج دا ای بھروسہ رکھ دے آں۔

5- ایہہ ننیں پئی اپنے آپ اسی ایہدے لائق آں پئی اپنے ولوں کجھ خیال وی کر سکے بلکہ ساڈی لیاقت رب ولوں اے۔

6- جنہے ساہنوں نوں عہد دے خادم ہوون دے لائق وی کیتا۔ لفظاں دے خادم ننیں بلکہ روح دے کیوں جے لفظ مار دیندے ننیں پر روح جیوندیاں کر دی اے۔

17- تے اوہ خداوند روح اے تے جتھے کتے خداوند روح اے او تھے آزادی اے۔

سائنس تے صحت

1- 16-8:512

روح نوں قوت، حضوری تے قدرت دی تے مقدس خیال، محبت دے پراں دیاں وی علامتاں دیتاں جان دیاں ننیں۔ اوہدی حضوری دے ایہہ فرشتے، جنہاں دے کول پاک ترین فرمان اے، سیان دے روحانی ماحول نال جڑے ہندے تے لگاتار اپنیاں خوبیاں نوں دوبارہ پیدا کر دے ننیں۔ اسی اوہناں دی انفرادی شکلاں نوں ننیں جان دے، پر اسی ایہہ

بائبل دا ایہہ سبق پلین فیلڈ کرسچن چرچ، آزاد ولوں تیار ہو یا۔ ایہہ کنگ جیمز بائبل دیاں آیتاں تے میری بیکراڈ پئی دی لکھی ہوئی کرسچن سائنس دی ورسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

جان دے آں پئی اوہناں دی فطرت رب دی فطرت تے روحانی برکتاں دے نال مطابقت رکھدی اے؛ ایہج علامتی ہندیاں ہوئے، خارجی نیں، فیروئی نفسی نیں، ایمان تے روحانی فہم نوں بیان کردے نیں۔

2- 7-4:581

فرشتے۔ رب دے خیال انسان تیکر آپڑان والے؛ روحانی الہام، پاک تے کامل؛ چنگیائی، پاکیزگی تے لافانیت دا اثر، ساری بریائی، ہوس پرستی تے فانییت دی مذمت کرن والے۔

3- 30-25:298

فرشتے قدرتی طور تے بنائے ہوئے انسان نیں، جنہاں دے پراں وچ جانوراں والیاں خصلتاں شامل ہوون؛ بلکہ اوہ اسمانی ملاقاتی نیں جیہڑے مادی نیں بلکہ روحانی پراں نال اُڑدے نیں۔ فرشتے رب ولوں خالص خیال نیں، جنہاں نوں سچائی تے پیار دے پر لگے ہندے نیں بھانویں اوہناں دی انفرادیت کجھ وی ہووے۔

4- 17-7:299

میرے فرشتے اُچے خیالاں والے نیں، جیہڑے کسے قبر دے بوہے اُتے ظاہر ہندے نیں، جنہاں وچ انسانی عقیدے نے اپنی احمقانہ دھرتی دیاں آساں دفن کر رکھیاں نیں۔ سفید انگلیاں نال اوہ اُتلے پاسے اک نویں تے جلالی بھروسے، حیاتی دے اُچے نمونیاں تے ایہدیاں خوشیاں ول اشارہ کردے نیں۔ فرشتے رب دے نمائندہ کار نیں۔

اُتلے پاسے ودھن والیاں ایہہ ہستیاں کدی خودی، پاپ یا مادیت ول راہنمائی نہیں کردیاں۔ بلکہ ساری چنگیائی دے الی اصول ول ہدایت دیندیاں نیں، جتھے ہر اصلی انفرادیت، شبیہ تے رب دی صورت اکٹھے ہندے نیں۔ ایہناں روحانی ہدایتاں اُتے سنجیدگی نال دھیان دیندیاں ہوئے اوہ ساڈے نال ٹھہر دے نیں، تے اسی ”بے خبر فرشتیاں“ دی خاطر داری کردے آں۔

5- 8-29:566

پرانا عہد نامہ فرشتیاں نوں رب دے الی سنیے، مختلف کم سونپداے۔ میکائیل دی خاصیت روحانیت دی مضبوطی اے۔ اوہ پاپ دی طاقت، شیطان دے خلاف لشکراں دی راہنمائی کردا اے، تے پاک لڑائی لڑدا اے۔ جبرائیل دے کول ازلوں موجود پیار دے بارے شعور نوں اجاگر کرن دی ذمہ داری اے۔ ایہہ فرشتے ساہنوں گہرائی توں بچاندے نیں۔ سچائی تے محبت افسوس دے موقع اُتے نیہرے آجان دے نیں، جدوں مضبوط ایمان تے روحانی طاقت آپس وچ کشتی کردی تے رب دے فہم دے پاروں پھیلدی اے۔ اوہدی حضوری دے جبرائیل دا کوئی مقابلہ نہیں۔ لا تنہا ہی ہمیشہ موجود محبت لئی سب کچھ محبت اے، تے کوئی غلطی، پاپ، بیماری نہیں تے نہ موت اے۔

6- 13-9:548

جد بدل سورج دے مکھڑے نوں ڈھک دیندے نیں تے کنہی تھوڑی لویا گرمائش ساڈی دھرتی تیکر اڑدی اے! کر سچن سائنس بس تدای ویکھی جاسکدی اے جد بدنی حساں دے بدل صاف ہو جان دے نیں۔ حیاتی نوں روحانی طور تے سمجھن توں پہلاں دھرتی اُتے انساناں لئی لویا خوشی بوہت گھٹ آؤندی اے۔

7- 8:3(توں)-8

--- کر سچن سائنس دی اُچیائی تیکر اپڑن لئی، انسان نوں ایس دے الہی اصول دی فرمانبرداری حیاقی گزارنی چاہیدی اے۔
ایس سائنس دی پوری طاقت نوں اجاگر کرن لئی، بدنی حس دی مخالفت نوں روحانی حس دی ہم آہنگی منی چاہیدی
اے، جیویں پئی موسیقی دی سائنس غلط دھنناں نوں ٹھیک کر دی تے آواز نوں مٹھی آہنگ فراہم کر دی اے۔

8- 24-8:298

جیدی اصطلاح مادی فہم اے اوہ شیواں دے بس فانی عارضی فہم دی روپورٹ کر سکدا اے، جد کہ روحانی فہم بس
سچائی دی گوائی دے سکدا اے۔ مادی فہم لئی غیر اصلی تد تیکر اصلی رہندا اے جد تیکر پئی کر سچن سائنس دے راہیں
ایس فہم نوں ٹھیک نہیں کیتا جاندا۔

مادی فہم دی مخالفت کر دیاں ہوئے روحانی فہم وچ الہام، آس، ایمان، سمجھ، سود مندی، اصلیت شامل ہندے نیں۔
مادی فہم ایہہ ایمان ظاہر کر دا اے پئی سیان مادے وچ اے۔ ایہہ انسانی عقیدہ خوشی تے پیڑ، آس تے ڈر، حیاقی تے
موت دے فہم دے وچکار تبدیلی لیاؤندیاں ہوئے فانیت یا غیر اصلیت دیاں حداں توں باہر کدی نہیں آؤندا۔ جد اصلی
نوں پالیا جاندا اے، جید اعلان سائنس دے راہیں ہندا اے، خوشی ہو رٹھو کر دین والی تے نہ ای آس دھوکہ دین والی
ہندی اے۔ روحانی خیال، جیویں پئی عدد دتے خط، اصول توں شروع ہندے نیں، تے ایہہ کسے مادی عقیدے نوں نہیں
من دے۔ روحانی خیال اوہناں دی الہی شروعات تے ہستی دے روحانی فہم ول راہنمائی دیندے نیں۔

9- 21-16:505

روح اوس فہم توں آگاہ کردی اے جیہڑی شعور نوں اُچا کردی تے سچائی ول راہنمائی دیندی اے۔ زبور دے لکھاری نے آکھیا: ”بحراں دی آواز توں۔ سمندر دیاں زبردست چھلاں توں وی خداوند اُچاتے قادر اے۔“ روحانی حس روحانی نیکی دا شعور اے۔

10- 4-22:224

انصاف نوں ظاہر کر دیاں ہوئے تے بیماری تے موت وچ جکڑے انساناں دیاں لوڑاں نوں پورا کر دیاں ہوئے اُچی شان والی تے عملی مسیحیت ایس دور دے بُہے اُتے کھلوتی اجازت لئی کھڑکار ہی اے۔ کیہ نسی ایس نورانی ملاقاتی لئی بُہا کھولو گے یا بند کرو گے، جیہڑا حلیمی دے نال آؤندا اے، جیویں اوہ عروج دے ویلے پیو دادے دے زمانے وچ آیا سی؟

سچائی آزادی دے عنصر پیدا کردی اے۔ ایہدے جھنڈے اُتے روح دا الہامی نعرہ ”غلامی ٹک گئی اے“ لکھیا ہوئی اے۔ رب دی قدرت قیدیاں لئی آزادی لیاؤندی اے۔ کوئی طاقت الہی محبت دا مقابلہ نہیں کر سندی۔ اوہ کیہڑی فرض کیتی گئی طاقت اے جیہڑی اپنے آپ نوں رب دے خلاف کھڑا کردی اے؟ ایہہ کتھوں آؤندی اے؟ اوہ کیہڑی شے اے جیہڑی انسان نوں لوہے دیاں بیڑیاں دے نال پاپ، موت تے بیماری نال بنھیا رکھدی اے؟ جو کجھ وی انسان نوں غلام بناؤندا اے اوہ الہی حکمران دا مخالف اے۔ سچائی انسان نوں آزاد کردی اے۔

11- 26-14:227

انسان دے سارے حق نوں سمجھدیاں ہوئے اسی سارے ظلموں دی تباہی دے بارے پیش بنی کرن وچ ناکام نہیں ہو سکدے۔ غلامی انسان دی جائز حالت نہیں اے۔ رب نے انسان نوں جمیا۔ پولوس نے آکھیا، ”میں آزاد جمیا۔“ سارے انساناں نوں آزاد ہونا چاہیدا اے۔ ”جتھے کتر خداوند روح اے، اوتھے آزادی اے۔“ محبت تے سچائی آزاد کردے نیں، پر بدی تے غلطی غلامی ول لے جاندے نیں۔

کر سچن سائنس آزاد نوں اچا کردی تے چیکدی اے پئی: ”میرے مگر ٹرو! بیماری، پاپ تے موت دے بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“ نوں قبول کرو، تے آزاد ہوو! ایہہ تہاڈا الہی حق اے۔

12- 6-2:223

پولوس نے آکھیا، ”روح دے مطابق ترو تے بدن دی خواہش نوں بالکل پورا نہ کرو گے۔“ چھیتی یادیرنال اسی ایہہ سکھاں گے پئی انسان دی تنہا ہی حیثیت دیاں بیڑیاں نظر دے ایس دھوکے نال پگھلن لگ جاندیاں نیں پئی اوہ جند دی بجائے بدن وچ، روح دی بجائے مادے وچ رہند اے۔

13- 6-2:481

انسان رب یعنی روح دا معاون اے ہو رکسے دانئیں۔ رب دا ہونا لا تنہا ہی، آزادی، ہم آہنگی تے بوہت زیادہ سکون دا ہونا اے۔ ”جتھے کتر رب دا روح اے اوتھے آزادی اے۔“ یور دے آرچ کاہن وانگر ”پاک ترین تھیں وچ داخل ہوو لنی“ انسان آزاد اے، یعنی رب دی سلطنت وچ۔

14- 17-12:521

انسان دی لافانیت تے ہم آہنگی قائم نہیں۔ سہنوں مخالف ٹیو وے توں ہٹ کے ویکھنا چاہیدا اے پئی انسان مادی طور تے خلق کیتا گیا اے تے ساڈی نظرنوں تخلیق دے اوس روحانی ریکارڈول موڑنا چاہیدا اے جیہڑا دل تے سمجھ اُتے ”ہیرے دی نوک“ تے اک فرشتے دی قلم نال کوڑھیا گیا ہووے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچپائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدا۔ سائنس وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے

معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چجستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔